

Faruk Selmanović
Zastupnik u Skupštini Kantona Sarajevo

Bosna i Hercegovina
Federacija Bosne i Hereegovine
Kanton Sarajevo
Skupština Kantona Sarajevo
n/r predsjedavajući Skupštine Kantona Sarajevo

Uputiti: Naida Hota-Muminović, ministarstvo za odgoj i obrazovanje Kantona Sarajevo

PREDMET: POSLOVNIČKO PITANJE

Poštovani,

Svjedoci smo da vršnjačko nasilje u osnovnim i srednjim školama u Kantonu Sarajevo, ali i u cijeloj BiH, postaje sve učestalije. Također, svjedočimo sve težim oblicima vršnjačkog nasilja, a nisu rijetki slučajevi da se vršnjačko nasilje ispoljava i kroz primjenu fizičkog nasilja.

U proteklim danima mediji su izvještavali o slučaju vršnjačkog nasilja u JU Prva bošnjačka gimnazija. Specifičnost ovoga slučaja predstavlja činjenica da je Ministarstvo za odgoj i obrazovanje KS uputilo akt Vijeću roditelja pomenute škole broj: 11-07/02-34-49769-1/24 od 14.11.2024. godine u kojem je zauzelo stav **da se učenicima koji počine teške povrede učeničke dužnosti ne može izreći mjera „isključenje iz srednje škole“ prije nego se izradi i u trajanju od tri mjeseca ne realizuje Individualni plan podrške (IPP) ili Individualni plan brige (IPB).**

U skladu sa članom 211. Poslovnika Skupštine Kantona Sarajevo, postavljam poslaničko pitanje Naida Hota-Muminović, ministarstvo za odgoj i obrazovanje Kantona Sarajevo:

- Šta predstavlja pravi osnov za stav Ministarstva da se učenicima srednje škole koji počine težu povredu učeničke dužnosti ne može izreći odgojno-disciplinska mjera „isključenje iz srednje škole“ prije nego se izradi i u trajanju od tri mjeseca ne realizuje Individualni plan podrške, odnosno ili Individualni plan brige?
- Iz kojih razloga je Ministarstvo zauzelo stav da se odgojno-disciplinske mjere, **uvijek i bez izuzetka**, moraju izricati postepeno, kada su Zakonom o odgoju i obrazovanju u osnovnoj i srednjoj školi u KS **jasno i precizno propisani izuzeci od pravila** o postepenom izricanju odgojno-disciplinskih mjera.

S poštovanjem,

Sarajevo, 26.11.2024. godine

Faruk Selmanović, poslanik u Skupštini Kantona